

արտադրութիւններին : Սպերի , Թորդուժի , Կիսկիմի , Նարիմանի , Օլթիի , Արզանուչի , Օքրորագետի , Սաթլելի , Արգվիինի , Մաճիխելի կտաւ , շալ եւ մետաքս գործող , շիլա ու կապոյտ ներկող , մանուսա , գեղի , գողնոց , ջեջիմ , կապերտ եւ խալի գործող , չիթ դաճող , ծաղիկ բանող , պղնձագործ , դարբին , պայտառ , դերձակ , խաղախորդ եւ մաշկակար վարպետները իսլամ բռնակալների ամենադաժան իշխանութեան չրջանումն անգամ անդորր եւ հասոյթաբեր կեանք են ունեցել եւ տասն անգամ աւելի առատութեան մէջ էին եղել , քանի դեռ չէին տարածուած մեքենական աշխարհի արտադրած գործուածքները :

Ամբողջ հազար տարի արհեստաւորը իսլամի իշխանութեան մէջ աւելի լաւ վիճակ է ունեցել , քան թէ ժ.թ. ռդ դարում , երբ տեղական տնայնագործական արտադրութիւնները դուրս էին մղվում շուկայից եւրոպական մեքենական արտադրութիւնների միջոցով : Օսմանեան իշխանութեան սկզբնական չրջանից 1300—1800 տարիներին հարիւր հազար ենիչէրիների , սպայիների , պաշտօնակալների եւ ժողովրդի երկրամշակ դասի հազուատը , կապուտը , կահաւորութիւնը , ձիերի սարքը , ուտելիքը , խմելիքը , բնակարանները , տաճարները—մզկիթները , ճանապարհներն ու կամուրջները շինել են հպատակ քրիստոնեաները—բայաները : Հայ